

奉化縣志卷十一

大事紀

宋

明帝泰始五年臨海賊田流自稱東海王剽掠海鹽殺鄞令通鑑

臨海亡命田流自號東海王竄會稽鄞縣邊海山谷中立屯營

分布要害泰始五年帝遣直後聞人襲說降之授龍驤將軍流

受命將黨與出行達海鹽放兵大掠而返是冬殺鄞令耿猷東

土大震南齊書周山圖傳

案南北朝之鄞為今之奉化則鄞令即奉化令也

六年龍驤將軍周山圖討田流平之通鑑

唐

德宗貞元十四年十二月壬寅明州將栗鎰殺其刺史盧雲以反

奉化縣志

卷十一

大事紀

一

新唐書德宗紀

鎰誘山越作亂攻陷浙東州縣通鑑胡注明州山越今慈谿

也全祖望曰以今地理質之當為鄞之傳霸河慈之鍾乳山潘嶼奉之箬坑等地

十五年二月庚辰舊唐書德宗紀作乙未浙東觀察使裴肅擒栗

鎰於台州斬之通鑑

肅帥台州兵討平之擒栗鎰以獻斬於獨柳樹舊唐書德宗紀參裴休傳

懿宗咸通元年三月浙東賊裘甫入奉化抵甯海據之以王式為

浙東觀察使討甫破之通鑑及綱目

先是裘甫陷象山觀察使鄭祗德遣兵討之大敗累表告急宰

相選式往代詔可是年三月發諸道兵授之甫分兵掠衢婺等

州又掠明州入奉化抵甯海據之分兵圍象山鄞志案曰象山前年被陷至是

蓋已復也所過俘其少壯餘老弱者蹂踐殺之及王式除書下浙東

人心稍安四月乙未式入越州分路討賊命宣歙將白琮等自上虞趨奉化爲東路軍淮南將萬璘等與台州唐興軍合爲南路軍癸卯南路軍拔賊沃州寨甲辰拔新昌寨破賊將毛應天進拔唐興辛亥東路軍破賊將孫馬騎於甯海戊午南路軍大破賊將劉晔毛應天於唐興南谷斬應天先是王式以兵少奏更發忠武義成軍及昭義軍詔從之三道兵至越州式命忠武將張茵將三百人屯唐興斷賊南出之道義成將高羅銳將三百人益以土軍徑趨甯海攻賊巢穴昭義將蹶跌幾將四百人益東路軍斷賊入明州之道自是諸軍與賊十九戰賊連敗式曰賊窘且饑必逃入海命羅銳軍海口以拒之又命望海鎮將雲思益浙西將王克容將水軍巡海滙思益等遇賊將劉從簡於甯海東賊不虞水軍遽至皆棄船走山谷得其船十七盡焚

奉化縣志

卷十一

大事紀

二

之式曰賊無所逃矣惟黃罕嶺可入剡恨無兵以守之雖然亦成擒矣裘甫旣失甯海乃帥其徒屯南陳館下眾尙萬餘人

通鑑

參新唐書王式傳 胡注南陳館在甯海西黃罕嶺在奉化西北其路深險度嶺則平川四十里至剡

五月浙東軍大破裘甫於南陳館賊自黃罕嶺遁六月王式擒裘

甫送京師浙東平

通鑑及綱目

浙東兵大破裘甫賊復竄剡式趣諸軍圍之賊城守甚堅其女軍亦乘城摘礮以中人三日凡八十三戰賊雖劬官軍亦疲甫佯言乞降式曰賊憊暫休耳謹備之果復三戰庚子夜裘甫劉晔劉慶從百餘人出降遙與諸將語伺我軍之懈將潰圍焉諸將設伏營前甫離城數十步伏兵疾走以間之甫遽甚不知所爲遂成擒壬寅甫等至越州式腰斬晔慶等二十餘人械甫送京師時剡城猶未下劉從簡帥壯士五百突圍走諸將追之大

蘭山胡注奉化縣西北有大蘭山在越州分界從簡據險自守七月丁巳諸將攻克

之從簡走台州為其黨所殺浙東郡邑皆平通鑑綱目參舊唐書懿宗紀及平剡

錄

廣明二年七月改元中和台州劉文寇明州權知州事羊僕擊走之延祐志

浙東觀察使劉漢宏以台州賊劉文原文作知明州事文為羊撰

所敗其黨杜宗據奉化平嘉鎮將黃晟以所部擊之執杜宗等

不殺盡驅還台州獲其粟帛悉屬於本道吳越備史

宋

高宗建炎四年金人大掠諸縣承信郎董之邵同李侂任戢禦於

泉口金人不敢進兩浙名賢錄參延祐志

正月乙巳金人犯明州張俊及守臣劉洪道擊卻之庚戌金人

再犯明州張俊引兵去洪道繼遁己未金人陷明州大掠諸縣

奉化縣志 卷十一 大事紀 三

奉化有義社素號趨勇邑官召人士議事從便控扼之邵等奮

義鼓勇共率家丁數百人舊志李侂傳作一千一百八十四人戰於泉口每乘間

出奇以擣金金不敢犯奉化得全同時宣議郎舒卞禦金有功

鄉人亦銘績焉高宗紀參兩浙名賢錄及攻媿集并楊簡撰舒璘墓志

丙戌知明州劉洪道屯奉化其精卒暴橫市肆邑人蔣璉欲殺之

縣丞白彥奎和解乃定王庭秀航海記

洪道自台州還屯奉化其麾下精卒暴橫市肆邑人蔣璉羣聚

防守洪道卒有毆其黨者一夕引數千人圍岳林寺欲殺洪道

縣丞白彥奎勸洪道流其毆人之卒眾乃定洪道復入城鬪民

家窖藏之物得四萬餘緡獻之行朝州人怨之寶慶志參航海記鄞志案曰

宋史呂頤浩傳奉化賊蔣璉乘亂為變劫頤浩真軍中高宗以頤浩故赦而招之疑是金人退後頤浩遵陸而來故為璉所劫也

元

世祖至元十三年冬制置使趙孟頫起催米稅宋故秘書監陳著

上書止之

本堂集

陳著為鄉人求免稅書某疊罹燬掠之殘生未死猶死也然猶不能已於言者奉川台温接境自春到今軍馬之往來之屯駐無一刻甯帖民之斃於鋒刃者枕藉繫累而去者魚貫於道日千百室廬之焚蕩田土之蹂躪窮百里而一目牛羊無影迹矣雞犬無鳴吠矣凡春間有種入土幸而秋有棲畝者又歸之兵之坐而食載而往馬之飽一而壞九小家無田收大家無租入今冬已比比捐瘠開春必填委溝壑景象至此勸分以救本是官府第一急事然雖有仁政未易展布雖有仁心亦將泯默茲忽聞使府行下欲起催米稅縣宰又懼上命之嚴知而不敢盡言遽欲奉而行之田里奄奄待盡之彫氓有骨而無髓有皮而無膜未知何以應追呼節若不能以實情哀號是負邦立命兩府判皆一意愛民此等時節覆載之中某本欲躬詣稟請為駐兵滿近境無路可通翹首於門瀝心血為字懇鄉人同志能走問道者袖以告敢望與兩府判會議力轉曲成之造特免起催再布春腳使鴻雁離散之餘遺男贖女旋旋孳生廢田荒地稍耕種自是厥後家租戶稅以仰給縣官豈非百姓之願但寬為之期則公私皆沛然矣倘遂眾欲則先生之私於鄉猶公也

奉化縣志

卷十一

大事紀

四

兩府判之公於下邑猶私也九天在上九地在下鬼神左右一語不誣惟先生其痛惻之某與一邑之人炷香以俟恩判

十四年浙東宣慰使懷都討台慶叛者管軍百戶岳天禎平奉化

明

元史懷都傳及岳存傳

明

太祖洪武十七年築沿海諸城

明史兵志

沿海之地倭夷在在出沒命信國公湯和巡視海上築沿海諸

城

明史兵志

憲宗成化十年浙江巡撫劉敷奏免奉化被水田畝稅糧

浙志

世宗嘉靖三十一年四月倭寇入應家棚義士汪較死之

籌海圖編參名

賢錄汪較傳

汪較奉化人力挽強弩有司上於軍門賜義士關防是年四月

倭寇入應家棚較率民兵射斃十餘人賊創艾遁去較亦被傷

而死籌海圖編

三十二年賊入湖頭渡象山志

三十四年五月賊自錢倉白沙灣入仇村經金峩流入橫石橋敬止

錄

十一月賊入四明山官軍擊破之倭寇紀略

賊自温州登岸歷奉化犯餘姚參將盧鏜遇於丈亭賊遂入四

明山鏜尾其後經歷文某戰於苦竹嶺副使孫宏軾戰於折開

嶺及翁家嶺皆不勝會鏜至戰於斤嶺及梁衙賊稍卻提督胡

宗憲自浙西督兵至賊大敗悉斬以獻山陰志

賊犯奉化慈谿主簿畢清死之倭寇紀略

福建流賊由台温至甯海抵奉化之楓嶺慈谿義士杜文明與

主簿畢清邀擊之布陣方定而士兵遽散清文明俱死嘉靖志參籌海

奉化縣志

卷十一

大事紀

五

圖編

三十五年八月賊據定海官兵圍之賊潰走歷鄞奉而遁籌海圖編

賊據定海邛家洋巡撫阮鶚與總兵俞大猷盧鏜合兵圍之賊

潰走踰桃花嶺歷鄞西元貞橋走奉化甯海與官軍戰於台州

之兩頭門把總范指揮死之賊遂走温州至福建得舟而遁籌海

圖編參  
嘉靖志

三十八年三月官兵擊賊於蔣葭浦原作蔣家鋪今改武生蔡啟元死之

籌海圖編

賊自邛家洋入犯為參將戚繼光所敗至奉化之蔣葭浦副使

譚綸遣把總陳其可擊之其可違綸節制乘勝逐北為賊所乘

遂潰啟元死焉籌海圖編

四十年四月賊犯定海象山奉化諸縣胡宗憲督諸軍大破之明史

胡宗  
憲傳

賊艘從外洋來象山奉化諸縣大嵩霽衢諸所騷擾數十處人情洶洶胡宗憲遣遊擊王應岐何本源參將呂圻部兵先往同所在官軍擊之時倭船分布近海馬隩一艘守備盧相把總章延廩夾擊之斬首三十五級洑港中一艘把總林仕貴等斃之兩頭洞一艘把總童華斃之其犯大嵩者我兵逐出橫山各水哨又伏候外海故遂巡海口不出五月一日燒船奔鮎埼總兵盧鏜遊擊何本源分南路由奉化入象山海道副使王春澤由大嵩入裘村亦趨象山二日賊出岳林莊鏜本源鼓行前趨相去二十里合呂圻王應岐兵前後繼發三日賊至裘村分三陣迎敵把總胡良瑤李超兵先至遂陷陣各兵殊死戰賊大潰斬首百五十七級八日梅山港賊三艘計二百人突入天童小白

奉化縣志

卷十一

大事紀

六

等處呂圻追至東湖哨兵湯時茂等斬賊酋一人遂夜遁石橋湖頭橫溪奔入山徑王春澤遣指揮艾升由小路攻之賊潰出朱家店章延廩兵生擒二人斬首五十六級呂圻兵斬首二十一級至暮收兵而是月四日盧鏜與把總黃應選兵船分布青龍港遇奉化遁賊七艘向錢倉外洋去者犁沈三艘值大雷颶溺死漂失者不計蓋無一人生還者

豐對樓集

穆宗隆慶三年以水災免奉化存留錢糧

續文獻通考

神宗萬曆二十六年九月水免糧有差

續文獻通考

鄞縣慈谿奉化定海被災九分准免六分象山被災八分准免

五分於本年存留糧內照數豁免

續文獻通考

莊烈帝崇禎十六年奸民胡乘龍作亂聚眾雪竇山自稱天萌國

大將軍甯波知府陸自嶽討滅之

雍正志

自嶽字岱瞻武進人崇禎中知甯波府事時胡承龍倡亂雪竇  
尅日分犯自嶽捕內應六人誅之隨發兵直抵賊巢獲其巨魁  
餘勿問當急變時自嶽募甌羸民兵六百人或曰兵期壯勇奚  
用是爲自嶽曰此饑饉餘生不急收之祇助寇耳其深識如此  
旬日之間閭井晏然

浙志

國朝

世祖順治二年閏六月壬辰明故刑部

原誤吏部

員外郎錢肅樂起兵

甯波諸縣皆應之

聖武記參結埼亭集錢忠介碑

鄞貢生董志甯謀起兵諸生王家勤張夢錫華夏陸宇燝毛聚  
奎和之時肅樂方居憂在東吳丙舍輿疾至城志甯等推之首  
士民集者數萬人初定海總兵王之仁已納款旣而中悔肅樂  
勸其來歸於是以關內鎮兵赴甯波同時黃斌卿以翁洲鎮兵

奉化縣志

卷十一

大事紀

七

至張名振以石浦鎮兵至知慈谿縣王玉藻知定海縣朱懋華  
知奉化縣顧之俊知鄞縣袁州佐知象山縣姜圻皆以兵餉會  
戊戌遣舉人張煌言奉箋赴台州迎請魯王監國七月會師西

興

明史肅樂傳參忠介碑及南疆逸史

三年明故平西將軍王朝先徇邊海至奉化之鹿頸

海東逸史朝先傳

王朝先故四川土司也崇禎中調征遼東官平西將軍京師陷  
南奔魯王擁兵蛟關黃斌卿屯舟山利朝先兵力屢遺書招之  
中途遣將假迎擊之朝先跳水得免旣至斌卿摘其印留之部  
下不任以事定西侯張名振爲之力請還其印解衣衣之贈以  
千金朝先居閒請徇邊海至奉化之鹿頸

南天痕作鹿頸頭

四五月聚

兵數千邊海爲之出賦

海東逸史參斌卿朝先傳

五年吳奎明袁應彪以兵應明故侍郎王翊

全祖望撰王翊墓碑

大兵攻四明東山李長祥敗歸奉化依平西伯王朝先

海東逸史  
長祥傳

長祥字研齋四川達州人獻賊縱橫蜀中長祥練鄉勇以助城守賊中皆知有長祥名後選庶常京師陷南奔改監察御史巡浙鹽南中又潰因起兵浙東結寨於上虞之東山前軍章有功驍銳敢戰所將五百人皆具兼人勇 大兵以全力壓之被擒而死長祥遁之奉化依王朝先得其資糧之助復合眾於夏蓋

山

鮚埼亭集  
李侍郎狀

六年三月王翊徇奉化退

大兵於河泊所

東南紀事  
魯王紀

王翊字完勳慈谿人後遷餘姚浙東起義思招兵以與黃宗羲合既而宗羲軍破翊乃聚兵四明大蘭山時四明山寨蕭山則石仲芳會稽則王化龍陳天樞天台則俞國望金湯奉化則吳

奉化縣志

卷十一

大事紀

八

奎明袁應彪千里之間屹然相望然諸營招集無賴之徒不能不從事於鈔掠而平岡張煌言上虞李長祥且耕且屯雖不擾民又單弱不能成軍惟翊一旅蔓延於四明八百里之內設爲五營五司以王江司餉履畝而稅富民皆樂輸是年翊自上虞東徇奉化北兵方攻吳奎明奎明力竭而遁北兵追至河泊所翊猝遇之而戰北兵大敗

海東逸史參  
東南紀事

七月魯王至健跳王朝先覲王屯師於鹿頸

東南紀事  
魯王紀

七月壬戌王次健跳遣使者拜山寨諸營官爵授李長祥王翊並都察院右僉都御史封平西將軍王朝先爲平西伯

海東逸  
史監國

紀

案海東逸史監國紀作己丑封朝先爲平西伯而朝先傳作丁亥是一書彼此互異然東南紀事亦作己丑因從之

九月張名振阮進會鹿頸王朝先討黃斌卿斬之魯王移蹕舟山

海東逸史

初張名振阮進迎王居南田尋遷健跳軍飢告急於斌卿斌卿不應會斌卿部下黃大振得罪逃朝先所危言悚朝先朝先營鹿頸有兵萬人遂與名振進合詞上疏於王九月丁酉合兵攻舟山殺斌卿王遂移蹕舟山時縣人閻國選輔王進舟山授監

軍道副使

東南紀事參海東逸史海外慟哭記及忠義志

七年劉翼明至鹿頸頭就糧於王朝先

東南紀事翼明傳

案曰翼明至鹿頸諸書未載年月而忠義志辨之頗詳謂當是庚寅夏初故以庚寅屬之

九月都統金礪提督田雄分路擣四明山

聖武紀參山寨紀

先是都御史嚴我公招撫山海發使者入四明山為王翊部將

奉化縣志

卷十一

大事紀

九

黃中道所殺於是總督陳錦奏言舟山海寇及各山寨之寇皆以故國為名狼狽相倚海寇登岸則山寇為之接應山寇被剿則入海以避兵鋒臣多方咨訪盡得其情前以招撫為名甚屬非計宜就臣標及提鎮合定關水陸之兵相機督剿

詔錦與都統金礪提督田雄等先剿山寨以除內顧用鄉民為嚮道礪由奉化入雄由餘姚入會師大蘭山軍帳彌漫三十里游騎四出諸寨多逆請降或四竄翊屢戰不能抗以親兵入翁洲

國史陳錦傳參聖武紀山寨紀結埼亭集王侍郎碑及殉節諸臣事迹

八年七月王翊招兵至奉化為團練兵所執不屈死之

結埼亭集王侍郎碑

官兵下翁洲翊以事急復入山招兵至奉化北溪為團練兵所

執八月十二日會訊於定海羣帥憤其積年倔强聚而射之翊

不動如貫植木乃斧其首而下之

王侍郎碑參海東逸史

九月

大軍克舟山

左尹魯春秋

先是張煌言奉監國命治兵鹿頸頭乃以鹿頸兵同張名振衛

監國入閩

左尹魯春秋

十二年十二月張名振卒以所部歸張煌言屯軍鹿頸頭

東南紀事參海

東逸史

名振遺言以所部付煌言煌言自平岡入衛之後部下不滿三

百至是始盛屯軍鹿頸頭以書招朱夏夫由臨山航海至

結埼亭集

張公碑銘參東南紀事煌言傳附錄

十五年張煌言較射鹿頸頭山陰葉振名渡海從之

東南紀事煌言傳

煌言奉桂王命以兵部尚書視師北舉遇風碎舟還勸鄭成功

取南京日與偏裨較射鹿頸頭羅致中土名士商度方畧山陰

奉化縣志

卷十一

大事紀

十

葉振名三渡海從煌言

東南紀事煌言傳

十六年五月鄭成功全師北指張煌言以所部前驅其秋師潰返

於鹿頸

海東逸史監國紀參東南紀事葉羅二客傳

成功與煌言會於天台悉師北上六月成功攻鎮江煌言以偏

師薄觀音門會蕪湖降書至乃至蕪湖傳檄郡縣大江南北相

率來歸已下者四府三州二十四縣會前鋒敗成功倉猝移帳

遂大潰煌言歸路已梗焚舟登陸歷桐城入霍山思走英山追

兵奄至得土人爲導變服夜行由樅陽出江渡黃湓走徽嚴道

東陽天台以達海壩煌言之在途中也海上人未知所向父老

多泣下者及煌言至婦女皆加額壺漿迎之

海東逸史煌言傳參監國紀及結埼

亭集張公碑銘

十七年張煌言駐節鹿頸頭散亡復集

海東逸史煌言傳參忠義志

十八年遣沿海居民遷內地以兵部尚書蘇納海巡歷之路爲界

並嚴海禁忠義志

鄭成功自江南敗歸奪臺灣爲窟穴與金廈二島相犄角

朝廷議堅壁清野之計下令遷沿海三十里居民於界內嚴立界

椿無許偷越有犯者死商舟漁舟不許一舫下海民戀生計脅

於嚴刑多不願張煌言貽書成功曰棄此十萬生靈而爭夷島

乎成功方得臺灣不暇內顧煌言餉絕屯南田東南靖海紀參康熙志及東南

紀事煌言傳

聖祖康熙九年展界仍嚴海禁忠義志

庚戌展界猶未盡復一木寸板仍嚴禁未許下海忠義志

浙江巡撫范承謨履勘甯波府屬荒田奏除額賦國史承謨傳

兵燹之餘田多荒蕪民輸虛課前任總督趙廷臣請除額賦有

奉化縣志 卷十一 大事紀 十一

旨令承謨履勘徧歷其地奏請豁免承謨傳參乾隆志

十三年嵎縣盜胡雙奇紹興府志作吳雙奇聚眾大嵐山乾隆志

雙奇舊在獄嵎令命勿與食餓數日猶生有大鼠銜餅與食獄

卒曰爾必大貴遂偕逃時耿精忠倡亂雙奇與龔萬里等聚眾

大嵐山倚勢攻劫犯石門焚康嶺等處有挈僞牌恐居民者知

縣曹鼎臣立磔以殉雍正志參乾隆志剡源志

十四年春知府邝業知縣曹鼎臣會師攻大嵐山鄞志參宋湯建蕩寇記

先是賊犯大堰地方鼎臣率練兵擊敗之至是會剿業會諸戎

帥分道深入鼎臣調前隊紮雪竇左翼紮公塘右翼紮汪家村

自率練兵二千人爲後隊紮過水埠獲謀者知賊將夜襲營設

伏殲之賊棄巢遁由雪竇走新昌道出火燄嶺千總湯文乙練

長毛岳靈邀擊之追殺八十里至沈家巖及新昌之東村雙奇

逃入海萬里乞降業斬之大嵐以平

蕩寇記參康志及鄞志

附錄宋湯建蕩寇記畧四明山當甯紹兩郡之交周數百里皆

崇山峻嶺其間大嵐三折嶺諸處最為險峻向為盜藪也剋

之者至煩王師五六年糜餉千萬而竊發之民亦疲矣甲寅春

東南多事土寇起嶺村乘之竊發則一人守險萬夫莫當

跨澗為池出則鳴鼓揚旂橫行村落退則澄清自任險資起治

遠近震恐兆姓離我奉邑曹侯毅然以澄自任險資起治

製備旂械徧歷各鄉點選丁壯興辦團練每丁百人旂一副

率之每旂五練長統之或武舉之數千至班瞭望二鼓則逐

伍夫長領之每旂五捕官或武舉之數千至班瞭望二鼓則逐

報時定鎮撥有防兵二侯詣其帥授以方畧即夕啣枚疾馳

八十餘里出賊不意斬賊三百餘級獲器械五百餘件雙奇遁

自後羣賊出沒不常此剿彼掠東堵西流紹侯餘姚上虞新昌

議請之郡侯巡縣慈谿奉化七邑之民遍遭荼毒侯乃建會瀝

酒誓師裏糧而進乙卯二月朔夜駐期會師於東郊沙灘

驚欲退侯傳令擅動者斬密令三百人齋礮十門分嶺高數

千仞賊將胡四據之侯密令三百人齋礮十門分嶺高數

藤附葛而上潛於草約進攻時齊夜礮十門分嶺高數

礮聲不絕鬻亂鳴意官兵已登山自相踐亂墮崖死者千計

回八日旋師二月廿三夜偽總兵韓調三率出洋掠亭下逼白巖

等處侯率精騎二千伏於白巖賊至我軍九百餘人三月初七

兩翼擊之斬韓王三殺賊七百餘級降者九百餘人三月初七

日郡侯督官董村遇藤牌賊千餘練長岳靈等斬賊數十級

精悍者也至董村遇藤牌賊千餘練長岳靈等斬賊數十級

援賊酋一官軍乘之奮戰屍遍野適慈谿羽書告郡侯回

檄調七邑之師從侯所陳之路同日起餘姚三廿九日道府

奉化縣志

卷十一

大事紀

十二

干登山踞險以拒我師湯文乙冒險先登毛家兵從山後截其歸路賊勢迫乞降侯許之是役也追賊二百餘里斬偽總兵陳文彪偽游擊鮑武英偽守備李權竺進偽千總王思玉張雄等二十一人降偽副將厲敬偽參將陳士龍偽守備鮑傑偽千總唐文旭王仁等十七人斬賊三千餘級降四千餘人獲偽劄三十八奪旂械盔甲一萬七百餘件奏凱旋師招安餘黨撫綏難民黠寇以平

八月洋艘數百自鹿頸頭抵缸窰掠甯海康熙志曹鼎臣傳

耿精忠三路犯浙海賊舟往來牽制水師提督常進功總兵朱萬化自定海出洋破賊於沈家門八月賊圍象山洋艘數百自鹿頸經大溪堰抵缸窰掠甯海進功等相機進剿抵河水門遇賊船百餘我軍分左右衝入賊大敗次日進海門賊黨朱飛熊中鎗死偽都督僉事李榮春偽副將藍理自縛請降進功受之班師而歸國史常進功傳參李之芳傳及康熙志平定浙東紀畧

十五年十月遊擊柳星等敗賊於太清澳擒偽官楊家益東華錄

奉化縣志 卷十一 大事紀 十三

十九年賊船入湖頭內洋定象水師會剿盡斬之象山志

五十一年十二月蠲免被災錢糧浙志

世宗雍正九年編籍賦役全書

原設版圖一百三十里今編順莊二百三莊賦役全書

宣宗道光二十一年九月己卯英吉利陷奉化文武官皆遁未幾

退去以下耳目所及不復注

英吉利與中國互市者其害莫甚於鴉片道光十八年

詔直省嚴禁

命欽差大臣林則徐蒞粵次年兼督兩廣焚其煙二萬餘箱英人失厚利二十年五月大舉入寇粵中防守嚴不得逞遂竄浙洋六月乙丑陷定海知縣姚懷祥死之丁卯提督祝廷彪扼招寶山己巳巡撫烏爾恭額守鎮海英將伯麥布耳利屢遣輪船進

窺內海無敢迎擊

詔罷烏爾恭額以劉韻珂代之

授江督伊里布爲欽差大臣兼程赴浙並

諭福建提督余步雲帶兵會剿甲戌伊里布至甯波英官義律叩

津門乞和八月

詔直督琦善赴廣東籌辦洋務檄伊里布嚴守要害暫緩進兵祝

廷彪解任改余步雲爲浙江提督夷船泊浙海者四十餘艘十

一月伯麥率其半回澳琦善赴粵議和義律奪取沙角大礮臺

琦善無計劃割香港予之

上以粵東債事屢諭伊里布進兵伊里布奏稱船礮未備飾詞觀

望

上責伊里布庸懦以蘇撫裕謙代之二十一年二月英吉利歸我

奉化縣志

卷十一

大事紀

十四

定海裕謙至甯波分兵戍守而定海尤以重兵守之前廣督林

則徐奉

旨以四品卿銜馳驛赴浙屢言定海孤懸先朝棄地重兵良將守

此絕島非策請移三鎮於內地用固門戶裕謙不從七月英吉

利復入寇索五口通商

五口謂廣州廈門福州甯波上海

八月癸巳犯定海時

大吏以和議旣成可無事令王錫朋鄭國鴻二鎮兵撤回本營

行有日矣葛雲飛餞於北墅忽報廈門失守三鎮復起爲守禦

計雲飛以曉峯嶺當衝要飛書大營請增礮益兵以助防守裕

謙營司文案者嫉雲飛耿直無饋問不允所請英人果由曉峯

嶺入三鎮兵苦戰六晝夜皆沒於陣裕謙余步雲坐守鎮海無

敢東援定海城破遂陷鎮海陷郡城裕謙仰藥死余步雲走上

虞十一月乙丑破餘姚己巳破慈谿己卯破奉化

朝命大學士弈經爲揚威將軍文蔚特衣順爲參贊大臣馳驛赴浙檄江皖楚豫秦蜀諸軍暨土勇沙民合五萬餘人屯曹娥江西岸二十二年正月弈經擬三路進兵有慈谿人陸心蘭受夷官爲夷謀弈經信任之師期大泄反爲所敗二月丙申

詔廣東參贊大臣齊慎改赴浙東甯波有劇賊徐保等曰黑水黨同知舒受恭言於大帥令選其黨六十人分伏郡城並於江中置八槳小艇伺英人出狙擊之保等出奇計四散隱伏兩月之中擒斬數百英人大恐遂棄甯波遁將軍參贊等以克復甯波張皇入告

詔第諸將功陞賞有差未幾而和議成甯波遂爲五口通商之一矣

二十二年六月甲戌

奉化縣志

卷十一

大事紀

十五

詔緩奉化本年錢糧

總督怡良以郡邑遭亂奏請鄞定鎮三縣免徵本年錢糧慈奉象三縣緩徵得

旨俞允

二十五年知縣王濟額外加徵縣人遣張恭安走

京師訴冤九月官民大闕巡撫梁寶常撫定之

奉化錢糧舊徵正銀一兩外加耗銀七分每兩連耗完繳折制錢一千八百八十文迨後徵正耗銀一兩外加制錢一百文每兩徵制錢一千九百八十文道光十八年加徵制錢二千二百二十文二十三年庫書戴家珍等又加徵制錢二千三百九十文二十五年知縣王濟與家珍等又議畝增錢三十張椿張名章朱庭芳舒鴻聞等疊訴諸省省下其事於府知府李汝霖庇

濟反鞭扑諸訴寃者二月

案鄞志剡源志謂張恭安京控在九月以後誤

縣人遣張恭

安走

京師訴其事於九門提督宗室恩桂直之解省解府研訊者凡十一次迄無定議縣民憤甚九月縣中方科試鄉民負耒赴城者以數萬計時張名淵汪佩綬俱入場應試聞變啟門出濟走白上司遂指名淵佩綬爲魁汝霖懼禍陳牒告病巡道陳之驥與提標參將百勝帶兵前來鄉村宴然莫能得主名者比入城金聲大作鄉民突出擊之謂軍士皆同郡之人不可殺惟奪其器械驅逐之而執其將兵者數人百勝窮蹙易衣裝匿泉口古廟中鄉民欲得之有趙舜年者恐鄉民無知釀成戕官之禍以數十人往救有與舜年爲讎者讒於百勝曰舜年欲捉中府百勝銜之時都司趙鳳翔統後軍不敢進郡城戒嚴疊石東南門爲奉化縣志

卷十一

大事紀

十六

守城計未幾按察使蔡瓊督杭協兵馳至聲言進剿民甚惶懼巡撫梁寶常先後奏聞

諭寶常帶印赴甯波會同提督詹功顯迅速籌辦並調處鎮總兵梁勝灝率所部兼程至鄞又

諭總督劉韻珂派閩中水師赴浙洋以截竄海之路梁寶常既奉嚴旨分遣諸將扼北渡裘村諸險要陽作進攻之勢而密使人招諭之紳士會於城隍廟均議投首候選訓導張璇等赴行臺白其狀寶常遂以葺事奏略曰臣比至甯郡訪問禍端知有增加稅額之事上控紛紛不爲審理以致激成大變罪不專在愚民今據訓導張璇等聯名具狀籲求免剿情詞哀切臣諭以兵威所及惟在惡黨斷不貽害善良而璇等懇請不已臣乃追問首逆令其縛獻已陸續呈送六名餘黨趙舜年等畏罪竄逃應飭

有司勒限稽搜毋庸大兵攻討十月丙申得

旨張名淵等因所控糧案未結輒敢聚眾阻考均按律問罪該縣知縣王濟先因增加糧價釀成京控該府李汝霖審訊此案輒復凌辱生監以致人心不服又於有事之時遽爾告病顯有規避情事李汝霖王濟均著卽行革職拏問甯紹台道陳之驥前往該處不能彈壓實屬懦怯無能著暫行革職之驥懸賞購彘年明年正月爲其戚柳某所告被逮至省論如律

文宗咸豐二年縣民訛傳赦糧聚眾入城知縣舒達走新署縣事丁昌國遣散之

邑中莠民以糧已豁免官猶徵收造言惑眾愚民信之相率入城縣令舒達走白省府莠民以邑無長官乘機肆掠及新署縣事丁昌國至集父老諄喻之事遂寢

奉化縣志

卷十一

大事紀

十七

四年鎮海逆首洪世賢竄居葑湖士民擒獲送縣誅之

鎮海洪世賢以妖術惑眾潛謀不軌與上海劉麗川聯爲一氣張金山者麗川之黨也麗川嘗授以僞印旗幟結甯屬羣不逞之徒期以三年十月舉事爲鄞練總李厚建所獲羣不逞遂推世賢爲首時巡道段光清方岌岌以追捕羣盜爲事明年世賢竄葑湖招集餘黨思刻期而發生員謝純熙與廩生吳家佐等率眾擒獲及僞軍師董鈐岡僞丞相董得彰三人餘匪盡散厚建亦獲其僞丞相董廷萱並伏誅

案鄞志謂世賢初踞鄞仙巖寺姜山練總顧鉉督所部

迎擊攷顧氏家傳踞仙巖寺者係同時雙刀會匪陳春富爲練局武生顧洵擒獲解郡伏誅鄞志所載是溷兩事爲一事也茲

據咸豐五年浙撫何桂清奏稿正之

九年海寇踞江鵬山官兵及民團擊走之

海寇尙清麻皮聚黨三百七十餘人廣艇亦入其隊踞江鵬山

爲巢穴日肆焚掠官兵及松隩民團剿捕之其黨乃逸

十一年十月丁丑粵賊犯奉化

粵西洪秀全聚眾數萬自稱天王國號太平天國咸豐初年破湘鄂沿長江東下據金陵爲僞都分擾南北其別部僞侍王李世賢由皖入浙連陷郡縣是年十月丙子僞爵寶天義范汝增

自嵯縣犯奉化丁丑

案鄞志作戊寅誤

入陳公嶺眾數萬時守備周善

初督練勇守之以眾寡不敵走

戊寅慈林火

慈林在縣西十里有應宰揚者伺賊於叢林中鎗斃騎賊數人賊怒火其村盡之

己卯賊陷奉化城知縣徐傳冕走

僞主將范汝增僞爵那天義吕林德擁眾數萬人縣城據之傳

奉化縣志

卷十一

大事紀

十八

冕蒞任甫三日倉皇無措挈其眷屬走匿民家

甲申賊將范汝增窺甯波

汝增令吕林德守縣城自率悍賊數萬窺郡城以降賊單木蘭聚銅刀會匪百餘人爲前導

十一月壬辰賊陷郡城下僞令安民

賊攻郡城南門守兵皆潰城內文武官走定海僞主將黃呈忠入踞道署范汝增踞提署下僞令以十一月爲正月蓄髮易衣巾冠用長冠衣用短袿以黃赤色別高下郡設僞總制縣設僞監軍鄉設僞軍帥又設師帥旅帥司馬卒長各僞官給以僞印僞旗假祠廟寺觀爲公所座列刑杖如衙署制造田冊編門牌計畝納粟計戶納番銀要害之處各設賊峯以控扼之勒索羊豕雞鷺米麪蔬果號曰進貢民劫於威無敢不從賊以縣人戴

明學爲監軍周萬茂陳玉山爲僞官助賊爲虐民甚苦之  
十二月賊以忠義鄉隸鄞縣割甯海八莊地隸奉化

賊目蕭湘澗踞忠義鄉離相寺以忠義鄉改隸鄞縣賊目曹廣  
泰割甯海八莊地轉隸奉化

穆宗同治元年正月辛丑武生毛殿英起義討賊陳嗣振毛謙榆  
等死之

正月丁酉有游賊數千往來康嶺間武生毛殿英起義討之會  
三石義民爭先出擊陳嗣振死焉殿英復合謙榆等數百人迎  
擊斑溪斬賊酋三人賊敗去謙榆等追至康嶺殺賊數十級力  
竭而亡是夜賊至徐家步頭村民圍擊無一脫者

二月庚辰賊焚棲鳳

賊目蕭湘澗遣賊黨張老五等編門牌於棲鳳村見雜髮者不  
之悅村民沈國章聚眾擊斃之湘澗徵郡城悍賊數千至棲鳳  
圍焚之殺塘頭周居民二十餘人回掠蕁湖吳家埠等村

四月丙寅賊棄奉化走

甲子中外諸軍克復郡城奉化踞賊已無固志訓導林鏡甯波  
都司魏杰卿署都司王鏞守備俞邦盛約城鄉紳士新昌訓導  
鄔明經候選知縣鄔醇武舉鄔安瀾杜光浩諸生周善長鄔汝  
鎮監生方世速汪巨川等分路集兵丙寅會師城外賊開北門  
由月嶺分隊而遁一越陳公嶺竄新昌一越唐塢嶺竄嵎縣  
丁卯前署知縣屈永清復署縣事僞官戴明學周萬茂陳玉山先  
後伏誅

先是賊陷城時永清已解任退避馬頭至是大吏仍檄署縣事  
衙署多毀假少卿第爲官廨旁設公局以訓導林鏡爲局員與

局董周序英等辦理善後事宜永清捕僞官戴明學周萬茂陳玉山先後誅之時新嵎一帶賊蹤密邇大吏遣嘉興都司邵英豪督兵守陳公嶺紳士毛玉甲周善長鄔安瀾等募勇守羊額嶺民心稍定

八月癸丑賊逼奉化巡道張景渠檄義軍陳朝雲盧宗孝

案鄞志宗誤忠

分守要害

僞來王陸順得由杭州趨新嵎眾號十萬巡道張景渠慮守兵單弱不足恃檄陳朝雲扼黃泥橋盧宗孝扼羊額嶺以助防守丙寅都司王嘉仁援奉化

乙丑賊窺奉化西路知縣屈永清告急於郡丙寅都司王嘉仁督兵援奉化助邵英豪守陳公嶺

丙子賊撲陳公嶺千總毛永泰把總顧大義外委吳福林死之

鄞志

奉化縣志

卷十一

大事紀

二十

案曰忠義錄永泰福林誤咸豐十一年十一月二十八日杭州殉難大義誤十一年十一月二十一日殉難

乙亥僞來王陸順得犯陳公嶺陳朝雲力戰受傷所部死者百餘人其副將張仲友率眾回郡丙子賊由泗洲堂黃罕嶺分道而入眾二萬餘官軍潰署中營千總毛永泰右營把總顧大義前營外委吳福林死之邵英豪等俱走

戊寅賊陷奉化城知縣屈永清走賊追之赴水死

賊將姚克剛率眾數萬破東南二門屈永清走方橋為賊所躡赴水死僞來王陸順得率賊十餘萬攻郡城官軍擊退之賊分二隊一屯姜山掠鄞縣東南一屯方橋掠奉化東北

閏八月辛卯忠義鄉民團分道剿賊陣亡三十餘人

賊分踞白杜及鄞縣豐樂鄉進逼忠義鄉民團起義剿賊曹村民團出後山嶺為一路吳江涇民團出道陳嶺為一路裘村爵

隩嶺下楓弄民團出梅嶺爲一路謝家賀市袁隩貌頭民團出徐盛嶺爲一路合剿賊於鄞盤松鎮斬賊三十餘級監生鄔友琛督隊前進被圍死眾驚潰賊追之適河泊所桐照茭湖民團繼至槍斃黃衣騎賊一步賊五賊卻退上任乃止民團死者十餘人吳家埠尹家蕁湖牌門頭桐照司半亭民團別剿賊於白杜里死事者亦十餘人

戊戌中外諸軍復奉化城縣境肅清

前提督陳世章率參將布興有廣濟軍游擊吳長安詔安軍都司楊應龍忠勇軍廩生李諤四明勝軍諸暨張仲友勝義軍美國將法爾思德常勝軍英國總兵哇樂德克繙繹官有雅芝法國參將德克碑稅務司日意格等駕輪船礮艇自府城啟行方橋之賊退守奉化丙申諸軍薄縣城哇樂德克攻東門德克碑

奉化縣志

卷十一

大事紀

二十一

攻北門楊應龍李諤攻西門張仲友攻南門邑中義民數萬人於南門外寶化山鳴鑼納喊以助軍威賊死守竟日美國將那師陣亡官軍傷者數十人次日姜山之賊自鄞回救哇樂德克法爾思德等分道迎擊斃賊千餘陳世章督諸軍繼之賊大潰乘勝回攻縣城賊猶死守比夜三鼓楊應龍潛於西北隅緣梯而上部下齊進遂斬北門納外軍殺賊數百前後救出難民三千人賊啟南門奪路走我軍追殺十餘里獲旗幟甲仗無算徐傳冕入知縣事立善後局於育嬰堂局員牟溫典局董徐祖寅周序英集貲鉅萬爲諸軍進剿費十月克復新嵎賊益西竄縣境以安

光緒二十年台匪尤田雞擾奉化

奉化忠義松林二鄉與台屬甯海接壤盜首尤田雞與其黨王

幟倡等結連奉化匪徒糜善來沈夏木等眾至三四百人所在村落到處成窩至二十一年春被搶之家已數十姓劫戕殞命不一而足尤田雞出入乘坐官轎前呼後擁莫敢誰何肆擾街市白晝無忌居民日夜愁慘烈炬而守比比皆然凡漁船出行勒取規例官照而外必領盜照方許開駛否則當遭毒手經給事中張嘉祿奏聞得

旨著廖壽豐嚴飭文武員弁認真巡查實力搜捕並將尤田雞等嚴拿務獲從嚴懲辦尤田雞始遁

二十一年七月癸亥護洋勇目柯汝昌獲尤田雞於臨安九月甲辰並其黨誅之

五月己丑知縣黑式濂督兵至桐照獲王幟倡於棲鳳尤田雞遁至臨安五里橋知府錢溯時徵牆下潭護洋勇目柯汝昌緝

奉化縣志

卷十一

大事紀

二十二

捕之七月癸亥汝昌獲以解郡九月甲辰與王幟倡糜善來沈夏木等並伏誅